

廣雅疏義

廣雅疏義卷十六

嘉定錢大昭晦之甫撰

張音致謂之彈反大汗

說文彈行丸也或作攷太元唐上九明珠彈於飛  
肉其得不復測曰明珠彈由費不當也說苑善說  
篇彈曰狀如弓而以竹為弦張者陟利切玉篇青  
州謂彈曰張集韻張集也

帥升萬反黃音城弦也

說文弦弓弦也从弓象然軫之形鄉射禮有司左  
執附右執弦而授弓集韻引廣雅彈弱弦也今作

帥黃未知孰是

彊謂之絢反率

說文彊弓弩端弦所居也絢彈彊也彊恪侯切

拾捍音鞬音鞬音也

說文鞬射決也所以拘弦以象骨韋系著右巨指  
或作鞬鞬一名決衛風芄蘭童子佩鞬傳鞬決也  
鞬鞬之言脊也所以軋脊乎指小雅車攷傳決鈎  
弦也周禮繕人注決挾矢時所以持弦飾也著右  
手巨指引士喪禮曰決用玉玉棘若擇棘則天子  
用象骨為之著右臂大指以鈎弦體拾者諸決

拾既欣傳拾遂也吳誤夫一人善射百夫決拾韋  
昭注決鉤弦也拾捍也一人善射而百夫競者決  
拾而放之曲禮云野外軍中無摯以纓拾矢可也  
注拾謂射韞三禮圖云舊國遂臂捍以朱韋為  
之案鄉射禮注遂射韞也以韋為之所以遂弦也  
其非射時則謂之拾拾斂也所以蔽膚斂衣也又  
大射注云遂著左臂裏以遂弦也捍者管子戒篇  
桓公弋在廩管仲隰朋朝公望二子弦弓脫鈇而  
迎之鈇所以拘弦也捍鈇同義韞者說文韞射臂  
決也居侯切徐廣史記注韞臂捍也鍾岷良吏傳

蕭音蕭  
彈音顛  
辭音辭  
也

玉篇𦇧弓弣𦇧者蘇凋切釋名弓末曰簫言簫稍也又謂之弣以骨為之滑弣弣也曲禮在手執簫右手承弣注簫弣頭也謂之簫簫邪也孔疏弓頭稍刺差邪似簫故謂為簫也玉篇弣頭謂之𦇧𦇧𦇧音義同強者古縣切玉篇強𦇧也本此

韃反居子韃長韃音暢韃索韃韃韃韃弓藏也

此釋弓藏之名也韃者說文韃所以藏弓矢釋名  
馬上曰韃韃建也弓矢並建立其中也方言所以

藏弓矢謂之鞬左氏傳二十三年傳左執鞭弭右  
屬橐鞬鞬者丑亮切說文作鞬弓衣也秦風小戎  
交鞬二弓傳鞬弓室也通作皂鄭風大叔于田押  
皂弓忘傳皂弓鞬弓也鞬鞬皂音義同橐者古勞  
切說文橐車上大橐引詩曰載橐弓矢小雅彤弓  
受言橐之傳橐鞬也鞬者土刀切小爾雅矢謂之  
服弓謂之鞬說文鞬弓衣也从攴攴垂飾左氏成  
十六年傳中項伏鞬杜注鞬弓衣此以鞬為弓藏  
借用字也說文以鞬為劍衣鞬者徒俗切說文鞬  
弓衣也月令帶以弓鞬覲禮載龍旂弧鞬注弓衣

曰韞

棚冰反於計韞音請敝音敝韞音韞矢藏也

此釋矢藏之名也棚者與冰同案左氏昭二十五年傳公徒釋甲執冰而臨服虔注冰積丸蓋也是棚即冰也矢者說文矢盛弓弩矢器也引國語曰矢木解矢今齊語作矢韞韞昭注矢所以蔽兵也矢醫同矢敝矢者上徒木切下乎官切說文韞弓矢韞也方言所以藏箭弩謂之箠弓謂之韞或謂之積丸鄭注士冠禮云今時藏弓矢者謂之積丸也矢積積積丸並音義同玉篇矢所以貯弓矢敝矢箭

器也韃者楚崖楚加二切玉篇韃箭室也釋名步  
义人所帶以箭又其中也集韻引埤倉韃韃箭室  
韃又同韃者房六切說文作箠弩矢箠也釋名受  
矢之器以皮曰箠謂柔服用之也織竹曰箠相迫  
箠之名也夏官司弓矢仲秋獻矢箠注箠盛矢器  
以獸皮為之通作服小雅采芣象弭魚服箋魚服  
矢服也陸璣疏魚服魚獸之皮也魚獸似豬東海  
有之其皮背上斑文服下統青今以為可弓韃步  
义者也其皮雖乾燥以為弓韃矢服經年海水潮  
及大將雨其毛皆起水潮還反天晴其毛復如故



雖在數千里外可以知海水之潮氣自相感也廣  
韻韜韋囊步鞞本比韜服服字異義同曹音韜為  
備非也

飛

莫耕反

增音第

弗口音也

矢拔箭也

說文箭矢也釋名矢指也言其有所指向迅疾也

又謂之箭箭進也方言箭自關而東謂之矢江淮

之間謂之鏃關西曰箭郭注箭者竹君因以為鏃

飛鏃者方言箭其三鏃長六尺者謂之飛鏃郭注

此謂射箭也後漢書注引東觀漢記光武作飛鏃

以攻亦眉鏃鏃同增者作膝切說文增惟射矢也

周禮夏官矰矢用諸弋射注結繳于矢謂之矰漢  
書司馬相如傳微矰出顏師古注矰短矢也以繳  
係矰仰射高鳥謂之弋射第者分勿切集韻第箭  
也此本此矢者說文矢弓弩矢也古者夷年初作  
矢射義疏引世本注夷年黃帝臣拔者秦風駉鐵  
舍拔則獲傳拔矢末也孔疏云鐵為首故以拔為  
末

平矰鉞反加鉞反片分鉤腸羊頭鉞音鑪鉞上侯反又  
子谷反弩矰也

說文矰矢矰也釋名矢本曰足矢形似木以下為

本本以根為足又謂之鎡鎡敵也可以禦敵也方言其其小而長者穿二孔者謂之鉶鎡其三鎡長六尺者謂之飛螭內者謂之平題凡箭鏃胡合螭者四曰或鉤腸三鎡者謂之羊頭其廣長而薄鎡謂之鉶或謂之鉶郭注鉶鎡今箭鉶鑿空兩邊者也平題今戲射箭頭題猶羊頭也胡鎡在于喉下藏遙也鎡捷也也鉶鎡即鉶鎡也玉篇廣韻俱云鉶鎡鉶也本此鉶者說文鏃利也又云族矢鏃也古通用釋名矢本齊人謂之鏃鏃族也言其所中皆族鏃也闕西曰缸缸鏃也言有交刃也或語孔

子與子路論矢之事云括而羽之鏃而礪之其入之不益深乎磬者說文磬石可以為矢鏃引春秋國語曰肅慎氏貢楛矢石磬

秩

秩 秩 韻 秩 陳 律 解 衣 也

此釋釦衣之名秩 秩者少儀釦則啟櫝蓋襲之加夫 秩與釦為注夫 秩釦衣也加釦于衣上夫或為煩皆發聲孔疏熊安生云依廣雅夫 秩木釦衣謂以木為釦衣者若今刀槥案鄭注以夫為發聲則此加衣旁俗字也 秩者案禮記疏引熊氏說 秩作木是用古本廣雅也今本夫木皆从衣此後人轉

寫之誤玉篇廣韻俱無秣字曹音陳律反非也

### 拾室郭劔削也

此釋劔削之名也說文削鞞也名刀室曰削削峭也其形峭殺裏刀體也史記貨殖列傳洒削薄拔也顏部古注漢書云削謂刀劔室也至為洒刷之去其垢穢更飾今新也拾者胡甲切說文拾劔柶也舊本拾訛从手今訂正室者史記刺客列傳拔劔劔長標其室司馬貞曰室謂鞘也郭者方言劔削自河而北燕趙之間謂之室自關而東或謂之廓或謂之削自關而西謂之鞞郭廓古字通

劍珥謂之鐔音注

說文鐔劍鼻也徐鉉曰劍鼻人握處之下也徐林  
徒含二切釋名劍其旁鼻曰鐔鐔尋也帶所繫尋  
也顏師古注急就篇云鐔劍刃之本入把者也莊  
子說劍篇周宋為鐔釋文引三蒼云劍鐔口也司  
馬彪云劍珥也楚調九歌撫長劍兮玉珥王逸注  
玉珥謂劍鐔也漢書匈奴傳玉其劍益康曰標首  
鐔衛畫用玉為之顏師古注鐔劍口旁橫出者也  
衛劍鼻也字本作彘案說文璫劍鼻玉舊本謂下  
脫之字今據類篇所引訂正

鞞

布

鞞

之舌反又

刀

削也

刀

削也

刀

削也

刀

削也

刀

削也

刀

削也

刀

削也

此釋刀削之名也鞞者說文鞞刀室也小雅瞻彼  
洛矣云鞞琫有珌傳容刀鞞也小爾雅刀之削謂  
之室室謂之鞞鞞者說文削折也折鞞同玉篇鞞  
刀鞞本此

龍淵太阿干將鑌鉞以和莫門斷蛇魚腸醇鈞燕支  
蔡倫屬展干隊堂谿墨陽鉅闢辟劍也

說文劍人所帶兵也籀文作劍釋名劍檢也所以  
防敵非非常也又其在身拱時敵在臂內也越絕書  
越王句踐有寶劍立問于天下客有能相劍者名

曰薛燭王召而問之對曰當造此劍之時亦董之  
山破而出錫若邪之谿涸而出銅淮南記論訓薛  
燭庸子見若狐甲於劍而利鈍誠矣崔豹古今注  
云吳太皇帝有寶劍六一曰白虹二曰紫電三曰  
辟邪四曰流星五曰青冥六曰百里列子云孔周  
有三劍一曰含光二曰承影三曰宵陳龍淵者戰  
國策蘇秦說韓三曰韓之利劍龍淵大阿陸斷牛  
馬水擊鳴雁淮南人閒訓越王句踐一決獄不辜  
援龍淵而切其股血流至足以自罣也而戰武士  
必其死更記蘇秦列傳云龍淵大阿皆陸斷牛馬



水哉鵠雁集解吳越春秋楚王召風胡子而告之  
曰寡人聞吳有于時越有歐冶寡人欲因子請  
此二人作劍可乎風胡子曰可乃往見二人作劍  
一曰龍淵二曰太阿索隱曰太康地記云汝南西  
平有龍淵水可以淬刀劍特堅利故有龍淵水之  
劍楚之寶劍也以特堅利故有堅而之論云黃所以  
為堅也白所以為利也齊辯之曰白所以為不堅  
黃所以為不利也故天下之寶劍韓為衆一曰棠  
谿二曰墨陽三曰合伯四曰鄧師五曰宛馮六曰  
龍淵七曰太阿八曰莫邪九曰千將曰然千將莫

邪匠名也其劍皆出西平縣今有鐵官令一別領  
戶是古鑄劍之地也太阿者越絕書楚王召歐冶  
子干將作鐵劍二枝晉鄭闢而求之不得與師圍  
楚之城三年不解于是楚王引太阿之劍登城而  
麾之三軍破敗士卒迷惑流血千里晉鄭之君頭  
畢曰也楚詞七諫鉛刀進御兮遙棄太阿王逸注  
太阿利劍也干將者戰國策趙奢謂田單曰吳干  
將之劍肉試則斷牛馬金試則截盤盂吳越春秋  
云干將者吳人造劍二枚一曰干將二曰莫邪莫  
邪者干將之妻名也干將曰吾師之作冶也金鐵

之類不銷夫妻俱入冶爐之中莫邪曰先師親爇  
身以成物妾何難也于是千將夫妻以斷髮摘爪  
投入爐中使童女三百鼓橐裝炭金鐵乃濡遂以  
成劍陽曰千將而作龜文陰曰莫邪而漫理閭閻  
甚重之鑄劍者亦作莫邪莊子大宗師篇今大冶  
鑄金金踊躍曰我且必為鏐鉞大冶必以為大祥  
之金苟之疆國篇形范正金錫美工冶巧火齊得  
剖刑而莫邪已然而不剝脫不砥厲則不可以斷  
絕剝脫之砥厲之則剝盤于剝牛馬忽然耳淮南  
主術訓兵莫憚于志而莫邪為下又記論訓劍工

感劍之似莫邪者唯歐能名其種莫者門莫古墓  
字別向新序節士篇延陵季子將西聘晉帶寶劍  
以過徐君徐君不言而色欲之季子為有上國  
之事未獻也然心許之矣致使于晉顧反則徐  
君死于是以劍帶徐君墓樹而去徐人嘉而歌  
之曰延陵季子兮不忘故脫千金之劍兮帶邱墓  
廣韻莫門孫侍衛斷地者漢書高帝紀高祖被酒  
云莫門二字疑衍夜徑澤中令一人行前行前者還報曰前有大  
蛇當徑願還高祖醉曰壯士行何畏乃前拔劍  
斬地二分為兩道開後人來至此所有一老嫗堰夜

哭人問姬何哭姬曰人殺吾子人曰姬子何為見  
殺姬曰吾子白帝子也化為蛇當道今者赤帝子  
斬之故哭西京雜記云高祖斬白蛇劍劍上有七  
采珠九華玉以為飾雜廁五色琉璃為劍匣劍在  
室中光景猶照于外與挺劍不殊十二年一加磨  
瑩刃上帝若霜雪開匣拔鞘輒有風氣光彩射人  
魚腸者淮南修務訓夫純約魚腸劍之始下型擊  
則不能斷刺則不能入及加砥厲摩其鋒剗則  
水斷能舟陸刺犀甲沈括筆談云魚腸即今燔銅  
劍也又謂之松文取諸魚燔熟褰去脇視見其腸

正如今之燔銅劍文也醇鈞者淮南覽冥訓區冶  
生為淳鈞之劍成高誘注區讀如謳歌之也區越  
人之善治劍工也淳鈞占大稅劍也又齊俗訓淳  
均之劍不可愛也而歐冶之巧可貴也越絕書句  
踐示薛燭純鈞曰客有賈之者布有市之鄉二駿馬  
千匹千戶之都二可乎薛燭曰雖傾城量金珠玉  
滿河猶不得此物況有市之鄉二駿馬千匹千戶  
之都二何足言焉越絕又云王取鈍鈞韓薛燭觀  
其爛如列星之行觀其光如水之溢于塘觀其文  
煥煥如冰之將釋也醇純淳鈞均並字異義同廣

韻引作純鋼誤燕支未詳蔡倫者後漢書宦者傳  
蔡倫字敬仲桂陽人始給事宮掖後加位尚方令  
永元九年監作秘劍及諸器械莫不精工堅密為  
後世法廣韻引作蔡倫誤屬鹿者左氏哀十一年  
傳吳將伐齊越子帥其屬以朝焉王及列士皆饋  
賂吳人皆喜子胥懼曰是豢吳也使于齊屬其子  
于鮑氏為王孫氏反役王聞之使賜之屬餼以  
死荀子成相篇恐為之胥身離凶進諫不聽剄而  
獨鹿棄之江楊倞注獨鹿與屬餼同吳王夫差賜  
子胥之劍名淮南記論剄大夫種輔翼越王句踐

而為之報怨雪恥擒夫差之身開也數千里然而  
身伏厲鏃而死紫鏃鹿聲相近屬鹿即厲鏃也千  
隊者呂氏春秋恃君覽荆有次非者得寶劍于遂  
還反涉江至于中流有兩蛟夾繞其船次非謂舟  
人曰子嘗見兩蛟繞船能兩活者乎船人曰未之  
也見次非攘臂祛衣拔寶劍曰此江中之腐肉朽  
骨也棄劍以金已余奚愛焉於是越江刺蛟赦之  
而復上船舟中之人皆得活荆王聞之仕之執圭  
淮南道應劭次非作伙非干遂作千隊堂谿者史  
記燕秦列傳堂谿集解徐廣曰汝南吳房有堂谿



亭正義曰故城在豫州偃城縣西八十里鹽鐵論云有棠谿之劍是王充論衡率性篇世稱利劍有千金之價棠谿魚腸之屬龍泉太阿之輩其本鉅山中之恒鐵也冶工鍛鍊成為銛利豈利劍之鉅與鍊乃異質哉工師巧鍊一數至也劉向九歎執棠谿以制蓬兮王逸注棠谿利劍也棠堂古字通墨陽者史記蘇秦列傳墨陽索隱云淮南子云服劍者貴于剌利而不期于墨陽莫邪則墨陽匠名也桓寬鹽鐵論楚鄭之棠谿墨陽非不利也王逸九思操我以墨陽注云劍名鉅闕者越絕書越

王取豪曹薛燭曰豪曹飛寶劍也夫寶劍五色並  
見莫能相勝曹已擅名矣非寶劍也王取巨闕曰  
非寶劍也夫寶劍者金錫和銅而不離今巨闕已  
離矣非寶劍也越絕又云句踐示薛燭巨闕曰吾  
坐露壇之宮有駟駕自鹿而過者車奔馬騰吾引  
劍而指之駟駕上飛揚不知其絕也辟閭者荀子  
性惡篇桓公之蔥太公之闕莊君子冒閭閭之卞  
將莫邪鉅闕辟閭皆此古之良劍也然不加砥厲  
則不能利不得人力則不能斷揚倮注蔥闕錄留  
齊桓公齊太公周文王楚莊王之劍名皆未詳所

出千將莫邪巨闕皆吳王閭閻劍名辟閻未詳新  
序閻卽謂齊宣王曰辟閻巨闕天下之良劍也  
或曰辟閻卽湛盧也閻盧聲相近盧莫色也湛盧  
言湛然如水而黑也又張景陽七命說劍云舒辟  
不常李善云辟卷也言神劍柔可卷而懷之舒則  
可用辟閻或此義歟

陳寶孟勞馬氏白楊荆反卓音剛反歸衛劉刀也

說文刀兵也象形釋名刀到也以斬伐到其所刀  
擊之也其末曰鋌言若鋒刺之毒利也其本曰環  
形似環也其室曰削室口之飾曰琫下末之飾曰

琕陳寶者周書顧命陳寶亦刀孟勞者穀梁僖元  
年傳孟勞魯之寶刀也馬氏白楊未詳剗剗者上  
居綺切下九勿切說文剗剗曲刀也淮南本經訓  
公輸三爾無所錯其剗剗剗鋸高誘注奇巧剗盡  
盡頭黑邊寒也剗鋸尺漢書楊雄傳般倖棄其剗  
剗今應劭曰剗曲刀也剗曲鑿曰嚴夫子哀時命  
云握剗剗而不同今操規槩而無所施王逸注刻  
鑿刀也剗者周書顧命一人冕執剗鄭注剗蓋今

鑿斧

鑿

談音又  
他甘反

鑿

初江  
反

鑿

已倂  
反

稍

朔  
音

施

地  
音

殺

呼  
反


頁

矛

也

鑿

𦣻 反 謂之鉞 蟬 張 卽 稽 也

說文矛前矛也建于兵車長二丈古文作釋名  
矛冒也月下冒矜也下頭曰鐃鐃入地也松櫟長  
三尺其矜宜輕以松作之也櫟連櫟也前刺之言  
也鉞者說文鉞長矛也方言鉞謂之鉞郭注今江  
東呼大矛為鉞鉞者七恭切說文鉞矛也或作鉞  
方言矛吳揚江淮南楚五湖之間謂之鉞或謂之  
鉞或謂之縱其柄謂之矜捷者玉篇捷矛也本此  
稍者所角切釋名矛長丈八尺曰稍馬上所待言  
其稍稍便殺也又曰激矛激截也可以激截敵陣

之矛也。鉞者，說文作鉞，短矛也。方言作鉞。荀子：儀兵篇：宛鉞鐵鉞，慘如蠶蠶。注：鉞與鉞同。矛也。左思吳都賦：藏鉞于人。鉞，鉞。鉞字異音義同。殺者，舊本作殺。釋名：殺，矛長九尺者也。殺，霍也。所中霍然，卽破裂也。殺，殺。玉篇：俱不収攷。左思吳都賦：長殺短兵。李善注：引廣雅：殺，矛也。呼狄切。玉篇：殺，矛也。呼役切。然則殺，殺。皆殺之譌也。今據文選注訂正。攢者，玉篇：攢，鉞也。本此鉞者，說文：鉞，小矛也。釋名：鉞，延也。達也。去此至彼之言也。漢書：匈奴傳：其長兵則弓矢，其刀兵則刀鉞。顏師古注：鉞，鐵把小矛。

也後漢書馬融傳飛鋌電激狼魯當切稽苦蓋切  
說文竝云牙屬則與鋌同類也舊本稽下無也字  
今訂正

蒲蘇鎔鍍也

顏師古注急就篇云鉞大刀也刃端可以披決因取名云蒲蘇未詳鉞者急就篇注云鉞謂刀之鉞刀為道者也亦取其劍舍容之義

之戣音遂其矛謂之戣音屏  
鑕音賣及音節鏐反莫干胡釘音子戛反古八戈戟也其鋒謂

此釋戟之名及其鋒與子也說文戟有枝兵也周

禮戟長丈六尺讀若棘釋名戟格也夢有枝格也  
車戟曰常長六尺車上所持也八尺曰尋倍尋曰  
常故稱常也手戟手所持摘之戟也淮南人間訓  
戟者所以攻城也宮人得戟則以刈葵通作棘小  
爾雅棘戟也周官掌舍為壇壝宮棘門鄭司農云  
棘門以戟為門左氏隱十一年傳子都拔戟以逐  
之杜注戟棘也明堂位云越棘大弓天子之戎器也  
鄭注棘為戟鎖者延真切方言戟楚謂之矛凡戟  
而無刃秦晉之間謂之矟或謂之鎖吳揚之間謂  
之戈東齊秦晉之謂問其大者曰鉞胡其曲者



謂之鉤鈔了者左氏莊四年傳楚武王荆戶授師  
了馬杜注了者戟也鉤胡者方言文或作曼胡同  
鄭注攷工記云戈句兵也主于胡也俗謂之曼胡  
似此鈔者鉤鈔方言文郭注即今鉤鈔戟也曼者  
說文曼戟也讀若棘張衡東京賦立戈迤曼薛  
綜注曼長矛也戈者說文戈平頭戟也釋名戈句  
了戟也戈過也所刺擣決則過所鉤引則制之  
弗得過也攻工記戈廣二寸內倍之胡三之援四  
之注戈今句了戟也內謂胡以內接秘者也長四  
寸胡六寸援八寸鄭司農云援直也謂其了又

戟廣寸有半寸內三之胡四之援五之注戟今三  
鋒戟也內長四寸半胡長六寸援長也寸年江氏  
永曰戈戟皆有曲胡而異用以春秋傳攷之獲長  
長狄僞如富父終甥捲其喉以戈殺之此用援之  
直刃捲之也狼臆取戈以斬因此用胡之曲刃斬  
之也子南以戈擊子皙而傷苑何忌剗林雍斲  
其足當亦是戈胡擊之剗之他若士華免以戈殺  
國左長魚矯以戈殺駒伯用援用胡皆可云殺子  
都拔戟逐潁考叔靈輒倒戟禦公徒皆擬用戟之  
刺與援者也狂狡倒戟出鄭人於井反為鄭人所獲

樂束槐木而覆或以戟句之斷射而死皆下胡鉤  
人者也戟胡橫直皆三寸其闢甚狹何能夠人出  
于井蓋鉤其衣若帶是以其人不傷反能禽鉤者  
也樂樂斷肘而死蓋本欲生禽之故不用刺與援  
而用胡以鉤之而胡之下鋒貫肘曳之而肘  
遂斷也是戈戟相似而其用則異裁者五勞切玉  
篇裁戟鋒戟者而蜀切廣韻戟矛戟技皆本此

匣反於謂之雄戟

方言戟三寸枝南楚宛郢謂之匣戟郭注今戟中  
有小寸刺者所謂雄戟也史記司馬相如列傳建

干將之雄戟集解引漢書音義云干將韓王劍師  
雄戟胡中有鉅干將所造也索隱曰周處風土戟  
為五兵雄也案周禮圖謂戟反曲下為胡也

御曰虛枝匣下增戟字一切經音義引

鐵音干汗鐔反也

說文鐔松下銅也釋名矛下頭曰鐔鐔入地也曲  
禮云進戈者前其鐔後其刃進矛戟者前其鐵注  
銳底曰鐔平底曰鐵鐵者徒對切說文作鐔矛戟  
松下銅鐔也引詩曰勗鐔矛大鐔針者漢時切方言謂之針郭璞注或名為

吳魁千敵音伐楯音勝戟音干盾也

說文盾敵也所以扞身蔽目象形釋名盾邀也疏其後避以隱邀也亦作楯左氏昭二十五年傳滅氏使五人以戈楯伏諸桐汝之間吳魁者釋名盾大而平者曰吳魁本出於吳為魁帥者所持也楚詞九歌據吳戈兮被犀甲王逸注戈戟也或曰操吾科吾科楯之名也大昭案吾科即吳魁與吾科聲相近千者方言盾自闕而東或謂之敵或謂之千開西謂之盾郭注千者扞也周書費誓敵乃千鄭注敵擊也王肅注敵盾當有紛繫持之論語疏

云今芝旁牌施紛以持之紛如綬而小擊干盾以持之且以為飾也戲者說文盾部義也張衡西京賦植鐵縣版左思吳都賦云版自間通作伐秦風小戎蒙伐有苑傳蒙討羽也伐中干也箋蒙麗也討離也畫離羽之文干伐故曰蒙伐也釋文伐本或作版疏云櫓是大盾故以伐為中干干伐皆盾之別名也或作𠵿史記蘇秦列傳革挾𠵿芮索隱曰𠵿與版同楠者諸文櫓大盾也或作楠左氏襄十年傳狄虺彌建大車之論而蒙之以甲以為櫓杜注櫓大盾司馬相如上林賦泰山為櫓蘇林曰

櫓大盾以為蔽也漢書劉屈氂傳以牛車為櫓顏  
師古注櫓楫也戰者侯肝切說文戈部義也

### 鎗 鎗甲介鎗也

說文鎗甲也釋名鎗猶鎗也鎗堅重之言也案經  
與皆言甲胄秦以後始有鎗兜鎗之說文古作甲  
用皮秦漢已來用鐵鎗鎗皆從金蓋以鐵為之故  
別為作名也鎗者周禮孟子作冑廣韻鎗鎗別名  
引孟子矢人豈不仁於鎗人哉矢人唯恐不傷人  
鎗人唯恐傷人甲者釋名鎗或謂之甲似物字曰  
以自禦也世本抒作甲宋仲子曰少康子杼也夏

官司甲注甲今之鎧也甲者秦風小戎箋介甲也  
左氏成二年傳不介馬而馳之

兜  
音年謂之胄

說文胄兜鍪也是首之鎧也司馬法作鞬荀子議  
兵篇冠鞬帶劍楊倞注鞬與胄同兜鍪者秦漢人  
語書傳皆言胄

鉞高加鉞反乎加謂之鉞鳥侯鉞音

說文鉞鉞頸鎧也王篇鉞鉞鉞鉞也本此

機謂之牙

說文主發謂之機孔安國注尚書鄭康成注易繫



繫竝云機謂弩牙也六三君子機鄭注機弩也緇  
衣引逸書太甲曰若虞機張性省括于厥度則釋  
鄭注虞人之射禽弩已張從機聞視括與所射參  
相得及後

釋和鑿錫鐸鉦鉦音鏡鐘鐸反各鈴也

說文鈴令丁也左氏桓二年傳錫鸞和鈴昭其聲  
也和鑿者韓詩云鸞在衡和在軾大戴禮云在衡  
為鸞在軾為和馬動而鸞鳴鸞鳴而和應說文鑿  
人君乘車四馬鑿八鑿鈴象鸞鳥聲和則敬也从  
金从鸞省是鑿與鸞同錫者說文錫鉦也軍法司

馬執兩錫地官鼓人以金錫節鼓注錫鉦也形如  
小鐘軍行鳴之以為鼓節鐸者說文鐸大鈴也  
軍法五人為伍五伍為兩兩司馬執鐸釋名鐸度  
也號令也限度也鼓人以金鐸通鼓大令也振之  
以通鼓樂記云天子夾振之注王與大將夾 舞  
者振鐸以為節也皇侃論語以疏云鐸用銅鐵為  
之若行武教則用銅鐵為舌若行文教則用木為  
舌謂之木鐸將行號令則執鐸振奮之使鳴而言  
所教之事也故檀弓云宰夫執木鐸以命于宮曰  
舍故而諱新又月令云奮木鐸以命于兆民曰雷

將發聲是其事也鉦者說文鉦鐃也似鈴柄中上  
下通小雅采芑鉦人伐鼓傳鉦以靜之鐃者說文  
鐃小鉦也大司馬職卒長執鐃鄭司農讀如謹  
曉之曉鼓人職以金鐃上鼓注鐃如鈴無舌有秉  
執而鳴之以止擊鼓釋名鐃聲鐃鐃也樂記云復  
亂以武復謂反復也亂理也武謂金鐃也謂舞畢  
之時舞人必反復鳴之金鐃而治理之欲退之時  
亦擊此金鐃以限之鐘者說文鐘樂鐘也秋分之  
音物種成古者垂作鐘或作銅釋名鐘空也內空  
受氣多故聲大也漢書律歷志鐘者種也陽氣施

種于黃泉孽萌萬物為六氣元也鑄者設文鑄大  
鐘淳于之屬所以應鐘磬也堵以二金樂則鼓鑄  
應之鄉射禮云其南鑄鄭注鑄如鐘而大通作鑄  
周禮序官鑄師注鑄如鐘而大白虎通義鑄者時  
之氣聲也節度之所生也君臣有節度則萬物昌  
無節度則萬物亡亡與昌正相迫故謂之鑄

印謂之璽紐反手謂之臬

此釋印之名及其紐也說文印執政所持信也釋  
名印信也所以封物為信驗也亦言因也封物相  
因付也璽者說文璽王者印也所以主土釋名璽

徒也封物使可轉徒而不可發也高誘曰璽讀如  
移徒之徒韋昭曰古者大夫之印亦稱璽應劭漢  
官儀云封泰山以金泥銀繩印之以璽璽施也信  
也古者尊卑共之月令曰固封璽春秋傳璽書追  
而與之是也秦漢以來尊者以為名乃使避衛宏  
漢舊儀云秦以前民皆以金銀銅屏象為方寸璽  
各服所好漢以來天子獨稱璽又以玉羣臣莫敢  
用也唐六典引周書曰湯放桀大會諸侯取大  
子之璽買天子之座是商以前已有璽名矣紐者  
說文作鈕云印鼻也夏官弁師五冕之紐注紐小

綸

反古頤組綬反不易綬也

鼻在武上筭所貫也說文組系也其形似鼻故印組有此名也淮南說林訓龜組之璽賢者以為佩

說文綬韍維也玉藻云天子佩白玉而元組綬公侯佩山元玉而朱組綬大夫佩水蒼玉而純組綬世子佩瑜玉而綦組綬士佩瑀玟而緼組綬孔子佩象環五而綦組綬注綬者所以貫佩玉相承受者也顏師古注急就篇云綬者受也所以承受環印也亦謂之縫綸者說文綸青絲綬也續漢志云百石青緼綸一采宛轉繆職長丈二尺後漢書仲

長統傳身無半通青綸之命鄭注緇衣云綸今有  
秩嗇夫所佩也組者說文組綬屬淮南子言丈二  
之組則組之長與綸同也顏注急就云組亦綬類  
紱者續漢志云五伯迭興事戰不息佩非兵器韋  
非兵旗於是解去韋佩留其係遂以為章表故詩  
云韋韋佩璲也韋佩既廢秦乃采組連結于璲光  
明章表轉相結受故謂之綬紱韋古通用

璲

書璲反他今勞也

說文習籀文作回佩也象形釋名勞忽也君有教  
命及所啟曰則書其上備忽忘也鄭本尚書云予

欲聞六律五聲八音在滋音注留者臣見君所秉  
書思對命者也穆天子傳帙帶音留郭璞注音留長  
三尺杼上椎頭一名琤亦謂之大圭琤琤者玉藻  
篇天子搢琤方正于天下也諸侯荼前音誦後直讓  
于天子也大夫前音誦後音誦無所不讓也注此亦笏  
也謂之琤琤之言琤然無所屈也或謂之大圭長  
三尺杼上終葵首者音葵葵首者於杼又廣其首方如  
椎頭是謂無所屈後則恒直琤荼字異音義同  
舊本琤訛音荼今據玉篇所引訂正

策

音祿

錄

音曉

滿

音滿

爰

音緩

節

音部

也



受古堂抄藏

說文節滿爰也玉篇節竹牘也策者說文录刻木  
录录也策录同錄者周官職幣辨其物而莫其錄  
杜子春云定其錄籍錄錄古今字滿爰者廣韻滿  
爰簡說文擊傳云按字書滿爰簡牘也滿滿滿爰  
爰古通用

梲反若絞標反口耶枹反音人房杜音賜虞巨音今人程反征  
經反音人賜尸音人俎儿也

說文儿踞儿也象形釋名儿履也所以履物也三  
禮圖云阮氏圖儿長五尺高尺二寸廣二尺兩端  
赤中央黑漆馬融以為長三尺案司儿筵掌五儿

左右玉彫形漆素詳五几之名是無兩端赤中央  
黑漆矣蓋取形漆類而掣之也下云左右五几此  
經所云王皆立不坐設左右几者便至尊也祝先  
王唯言昨席不言几左者王馮之右者神所依詳  
此經義則似生人几在左鬼神几在右即下云右  
彫几右彤几右漆几右素几皆為神設也梲者明  
堂位俎用梲炭注梲始有四足也炭為之踞孔疏  
虞俎名梲梲形四足如案禮圖云梲長三尺四寸  
高一尺漆兩端赤中央黑諸臣加雲氣天子犧  
飾之夏俎名炭炭亦如梲而橫注四足中央如距

也賀氏云直有脚曰椀加甲中央橫木曰炭椀者  
疑棋之訛明堂位舉四代之俎張博士不宜釋其  
三而缺一又椀儿未見所出字形與棋相近故知  
為棋當在椀之下房之上傳寫倒誤也曹憲未能  
舉正輒加音釋之矣椀房者明堂位云俎有虞氏  
以椀夏后氏以炭殷以棋周以房俎注椀斲木  
為四足而已炭謂中足為橫距之象棋謂曲椀  
之也房謂足下跗也上下兩間有似于堂房然杜  
虞程膠者方言俎凡也西南蜀漢之郊曰杜榻前  
凡江沔之間曰程趙魏之間謂之椀儿其高者謂

之虞郭注程今江東呼承後漢書鐘離意傳藥崧  
者家貧為卽常獨直臺上無被枕杜李賢注杜謂  
俎几也斯義切說文虞鐘鼓之拊也飾為猛獸从  
虎異衆其下足或作鑢篆文作虞大雅靈臺虞業  
維樅傳植者曰虞橫者曰筍說文程休前几郭注  
方言音樅為易是彫卽樅也玉篇彫几也本此俎  
者說文俎禮俎也从半肉在且上史記項羽本紀  
為高俎置太公其上集解如淳曰高俎几之上索  
隱曰俎亦機之類故吳侯湛新論為机機猶俎也  
此太公于牲肉故置之俎上大昭案俎亦謂之牙

地官牛人凡祭祀共其牲之方注牙若今屠家誌  
肉架

棲謂之牀謂之柶

說文牀安身之坐者釋名人所坐卧曰牀牀裝也  
所以自裝載也孟子云使治朕棲柶切淮南說山  
訓死而棄其柶箕不怨人取之高誘注柶箕稱死  
者浴牀上之柶也玉篇引淮南子死而弃柶棄絡  
牀為柶紫絡當為浴責箕同廣韻柶牀別名亦謂  
浴牀也柶同

箕

第

反

里

樹

牀

杜

音

江

也

說文杠牀前橫木也鹽鐵論古者無杠櫺之寢牀  
移之案方言牀齊魯之間謂之簀陳楚之間或謂  
之第其杠北燕朝鮮之間謂之櫺白闌而西秦晉  
之間謂之杠南楚之間謂趙郭注簀牀版也  
趙當作桃聲之轉也中國亦杠為桃牀皆通語也  
說文簀牀棧也第牀簀也爾雅簀謂之第郭注牀  
版禮既夕記設牀第左氏襄二十七年傳牀第之  
言不踰闕杜注第簀也桃趙桃字異音異同盧枚  
簀第下增也字當從之

廣平榻

他榻反

枰

平音也

說文枰平也釋名枰平也以板作其體平正也服虔通俗文云牀三尺五曰榻板獨坐曰枰八尺曰牀廣平者方言云所以投簿謂之廣平榻者釋名牀長狹而卑曰榻言其鶴榻然近地也小者曰獨坐主人無二獨所坐也玉篇牀狹而長謂之榻矣通俗文證之則獨坐即枰皆可以坐此投簿也韋曜博奕論云然其所志不出一枰之上所務不過方罫之閒

跲達擯

音積巨葛反球反

又拊付干反也

說文拊闌足也跲曲脰也擯球集韻引作牘球

蓐謂之蓐

反例求

說文蓐蓐也蓐古褥字釋名褥蓐也人所坐褻蓐也廣韻蓐薦也

褊謂之褊

音域

曲禮男女不同褊加鄭注褊可以加衣者內則云不敢縣于夫之櫛褊褊櫛同褊者說文新附字古用施也廣韻褊衣架本此

輶

音狂謂之簋

音設

說文輶紡車也簋可以收繩也从竹象形中象人手所推掣也或作互紡車之輪即簋也亦謂之篋



蒸燿

燿又青反又炬也

說文莖束葦燒徐鉉曰今俗別作炬非是蒸者說  
文蒸折麻中幹也是麻幹可為炬也燿者說文舉  
火曰燿周禮司燿掌行火之政令燧者說文燧然  
麻蒸也燧炮同

侖一曰合十曰升升四曰掙掙四曰區區四曰釜釜  
十曰鍾鍾十曰斛斛十曰秉秉十曰筥筥十曰  
稯子公稯十曰耗音耗

此釋量之名也漢書律歷志量者侖合升斗斛也  
所以量多少也本起于黃鍾之侖用度數審其容

以子較秬黍中者千有二百實其龠以井水準其  
槩合龠為合十合為升十升為斗十斗為斛而五  
量嘉矣其法用銅方尺而圍其外旁有廐焉其上  
為斛其木為斗左耳為升右耳為合龠其狀似爵  
以康爵祿龠者黃鐘律之實也躍微動氣而生物  
也合者合龠之量也升者登合之量也斛者角斗  
平多少之量也夫量者躍于龠合于合登于升聚  
于斗角於斛也職在太倉大司農掌之舊本作龠三  
曰合案漢志云合龠為合十合為升合龠即一龠  
也故說文以升為十龠此云龠二當是龠一也今

訂正升四曰榘榘四曰釜者杜預左傳注云四豆為為  
斗六升四區為釜釜六斗四升攷說文云量之區以  
為鬴深尺內方尺而圓其外其實一鬴注云以其  
容為之名也四升曰豆四豆曰區四區曰鬴鬴六  
斗四升鬴則鐘尺積千寸於今粟米法少二  
升八十一分升之二十二其數必容鬴此言  
內方耳圓其外者謂之脩小爾雅云一手  
之盛謂之溢兩手謂之掬掬四謂之豆四  
謂之區區四謂之釜宋咸注溢滿一手也掬半升  
也舊制四升為豆四豆為區區斗六升也四區為

釜釜六斗四升也又云釜二有半謂之數  
注云一斛六斗也予謂如前說似孔鮒以二升為  
豆八升為區三斗二升為釜諸與家說大不相同  
今以釜二有半注文證之知其所謂釜仍是六斗  
四升蓋小爾雅本文當是掬二謂之升升四謂之  
豆傳寫者脫落五字耳案桓與豆同韻與釜同先  
儒皆云四升為豆四豆為區而卽本獨云十升曰  
桓為十當四字之悞也果是十升當云斗而不當  
云桓矣今訂正江永曰攷工記栗氏之鬴舊說謂  
久斗四升然以圓筭方筭皆不合明宋室鄭世子

朱載堉據管子輕重篇云齊西之粟釜百泉則鉅  
二十齊東之粟釜十泉則鉅二泉釜卽黼也鉅卽  
區也四升為豆四豆為區五區為黼黼乃八斗非  
久斗四升也此說是粟人謂一月粟米之率以中  
年三黼為常率計之十日食八斗一食八升毋乃  
太多乎蓋粟氏所謂深尺方尺者非夏氏之尺乃  
周人之尺也周尺當夏之八寸以八寸計之一黼  
八斗僅得四斗零九合六勺則一日食四升一合  
弱耳又以商尺當尺一尺二寸半以此為黼八斗  
當夏之十五斗六升有二合有奇後世之營造尺

與商尺同今時方尺深尺容四斗周輔四九斗合  
有奇商輔一十五斗六升二合有奇約為四之一  
而稍贏則今量四斗周量一斗稍贏一日食八升  
當今量一升稍贏正為今人日食之數與粟人之輔  
密合釜十為鍾者小雅爾云數二有半謂之缶缶  
二謂之鍾注以鍾為八斛蓋名同而量異也鍾十  
曰斛斛十曰秉者聘禮云車秉有五數鄭注數讀  
若不數之數今文數或作為逾下記云十六斗曰  
數注云今江淮之間量名有為數者今文數為逾  
小爾雅釜二有半謂之數數二有半謂之缶缶二謂

之鍾鐘二謂之東東十六斛也包咸注論語唐固注周語並云十六斗曰庾庾與斛逾數字異而音義實同與此之所謂斛東亦名同而量異也東十曰筥筥田十曰稯稯十曰耗者說文云周禮二百四十斤為東四東曰筥十筥曰稯十稯曰耗四百東為一耗許氏所云本聘禮也蓋彼以衡言此以量言故名同而實不同也。江永曰攷工記東氏之鬴舊說謂六斗四升然以圓筭方筭皆不合明宗室鄭世子朱載堉據管子輕重篇云齊西之粟釜百泉則鉅二十齊東之粟釜十泉則鉅二泉釜

卽黼也黼卽區也四升為豆四豆為區五區為黼  
黼乃八斗非六斗四升也此說也是稟人謂一月  
粟米之率以中年三黼為常率計之十日食八斗  
一日食八升毋乃太多乎蓋稟氏所謂深尺方尺  
者非夏后氏之尺乃周尺也周尺當夏尺之八寸  
以八寸計之一黼八斗僅得四斗零九合六勺則  
日食四升一合弱耳又以商尺當夏尺一尺二寸  
半以此黼為八斗當下之十五斗六升二合有奇  
後世營造尺與商尺同今時方尺深尺容四斗周  
黼四斗九合有奇商黼一十五斗六升二合有奇



約為之四一而稍贏則今量四斗周量一斗稍贏  
日食八斗當今量一斗稍贏正為今人日食之數  
與粟人之鬴密合

一升曰爵二升曰觚音孤三升曰觶反云鼓四升曰角五

升曰散反素但

此釋酒器所容之名本韓詩說也禮器疏引五經  
異義云今韓詩詩一升曰爵爵盡也足也二升曰  
觚觚寡也飲當寡少三升曰觶觶適也飲當自適  
也四升曰角角觸也不能自適觸罪過也五升曰  
散散訕也飲不能自節為人所謗訕也總名曰爵

其實曰觴觴者餉也亦五升所以罰不敬觥廓也  
所以著明之觀君子有過廓然明著非所以餉不  
得名觴古周禮說爵一升觚二升獻以爵而酬以  
孤一獻而三酬則一豆矣食一豆肉飯飲一豆酒  
中人之食毛詩說觥大七升許慎謹案周禮云一  
獻三酬當一豆若觚二升不滿一豆又爵觥不過一  
一飲而七升為過多鄭駁之云周禮獻以爵而酬  
以觚觚寡也觥字角旁著氏是與觚相涉誤為觥  
也南郡太守馬季長說一獻三酬則一豆豆當為  
斗與一爵三觥相應爵者聶崇義三禮圖云刻木

為之漆赤中舊圖亦云畫赤云氣餘同玉爵之  
制觚者說之觚鄉飲酒之氣也一曰觴受三升者  
為之觚周禮梓人為飲器勺一升爵二升觚三升  
許君後一說本周禮與韓詩說異三禮圖云舊圖  
觚銳下方足漆赤中畫青雲氣通飾其卮二升曰  
觚口徑四寸中深四寸五分底徑二寸六分今圖  
足解者說文解鄉飲酒角也或作觥禮經作觥三  
禮圖云禮器云尊者舉然注云三升曰觥口徑立  
寸中深四寸強底徑三寸舊圖云凡諸觴皆同  
升數則異角者明堂位云加以璧散璧角鄭注散

角皆以壁飾其口也三禮圖云其制如散禮器云  
卑者舉角注云四升曰角口徑五寸深中五寸四  
分底徑三寸又特牲饋食禮云主人洗角升酌酌  
尸注云不用爵者下大夫也散者三禮圖云舊圖  
散似觚禮器注云五升曰散口徑六寸中深五寸  
一分強底徑四寸

綃音消謂之綃

綃一名綃俱解見上文

縹反謂謂之紅縹謂之絳縹謂之卑

此釋染色之深也爾雅一染謂之縹再染謂之絳

三染謂之纁郭注纁今之紅也攷工記三入為纁  
五入為緹七八為緇說文纁帛赤黃色紅帛赤白  
色纁淺絳也絳大赤也緇帛黑色也草草斗櫟實  
也一曰象斗子徐鉉曰櫟實可以染帛為黑色故  
曰草今俗以此為艸木之艸別作皁字為黑色之  
皁或無白十皆無意義鄭注士冠禮云一入謂  
之纁喪服麻衣纁綠鄭注纁淺絳也纁又謂之緹  
鄭注玉藻云纁赤黃之間也所謂棘也小雅瞻  
彼洛矣傳一入曰棘左傳疏引賈逵云一染曰  
棘蓋用舊草染之也釋名紅絳也曰色之似絳者

也禹貢厥篚元纁織組疏引李巡曰三染其色已  
成為絳絳纁一名也染人職夏纁元鄭司農云  
纁謂絳也攷工也記鍾氏染羽三入而成釋名絳  
工也染之難得色以得色為工也緇滓也泥之黑  
者曰滓此色然也卑卑也日未出時早起視物皆  
黑此黑色如之也

碧縹反匹紹  
紺音早  
靑音早  
緋反似  
縵反未公  
蒼青也

說文青東方色也木生火从生丹丹青之信言必  
然釋名青色也衆物生時色也碧者說文碧石之  
青美者廣志云必有縹碧有綠碧張衡南都賦綠

碧紫英縹者說文縹帛青白色也釋名縹猶漂漂  
淺青色也有碧縹有天縹有骨縹各以其色所象  
言之也楚詞九懷云翠縹分為裳紺者說文紺帛  
深青楊赤色釋名紺含也青而含赤色也張協七  
命云元采紺發縹者說文縹帛如紺色讀若桑韞  
者與綠同說文綠帛青黃色也釋名綠瀏也荆泉  
之水於上視之瀏然綠色此似之也邶風綠兮衣  
兮傳綠閒色縵者論語君子不以紺縵飾孔安國  
云一入曰縵三年練以縵飾衣為其似衣喪服故  
不以為飾衣詹事兄曰或問邢昺以縵為淺綠色

據周禮五入為緇非淺絳且練衣不以緇飾緇何  
故荅曰孔氏經文當氏<sup>人</sup>縗字爾雅一染謂之縗即  
孔所云一入也檀弓云練練衣黃裏縗綠注云  
小祥練冠練中以衣黃為內縗為飾即孔所云  
三年練以飾衣者也然則孔本經注皆當作縗不  
作緇矣攷工記鍾氏三入為縗五入為緇注謂染  
縗者三入而成又再染以黑則為緇緇今禮俗文  
作爵言如爵頭色也先鄭司農以論語紺緇證五  
入為緇之文則先鄭所受論語本作緇與孔本異  
也士冠禮爵弁服注爵弁色赤而微黑如爵頭然



或謂之緇許氏說文無緇字而有纁字云帛崔頭  
色一曰微黑色如紺纁淺也古人纁與才通才亦  
請為哉與爵聲近則緇纁爵三者同物纁淺濁雙  
聲賦家往往周之賈公彥云三人之纁入赤汁則  
為朱若不入朱而入黑汁則為紺更以此紺入黑  
則為緇紺緇同類故連文言之今本論語作緇古  
文作纁微黑為緇淺絳為纁不能混而一之明矣  
自何晏集解采孔氏說而經文仍從緇字又改注  
文之纁亦為緇而二文相亂邢昺知孔讀緇為纁  
又云一入白緇未知出何書此知二五而不知十

也總者說文總帛青色通作蔥玉藻三命赤黻蔥  
衡鄭注青謂之蔥鄭注本諸爾雅郭注蔥淺青楊  
雄蜀都賦云鬱乎青蔥沃野千里蒼者說文蒼艸

色也莊子逍遙游云天之蒼蒼其正色耶

丹刑朱艸

虛力反

縵絳經

恥京反

煒

小營反

赫緹

他禮反

秋

赭音者赤也

說文赤南方色也以大从火釋名赤赫也太陽之  
色也白虎通義云赤者盛陽之氣故周為天正色  
尚赤也丹者解見上文彤者說文彤丹飾也小爾  
雅云彤朱也詩彤弓彤兮朱者說文朱赤心木而

也幽風七月我朱孔陽傳朱深縵也通作綵說文  
綵純赤也縵者詩毛傳云縵赤白也楚詞大招云  
連龍縵只王逸注縵色左思蜀都賦丹砂縵熾縵  
絳者俱斛見文上縵者說文縵赤色引詩曰魴魚  
縵尾或作縵刺赤江四字韓詩汝墳作縵赤也爾  
雅再染謂之躡左氏哀十七年傳如魚躡尾謂魚  
尾赤也潘岳射雉賦嬰綺翼而縵縵縵躡字異  
音義同燁者疑與躡同公羊文十二年傳周公用  
白牡魯躡用擗羣公不毛是也或說燁疑燁之訛  
邶風靜女云彤管有煒毛傳煒赤白鄭箋赤管煒

色周禮凡糞種赤緹用羊注赤緹鰓色也有酒正

緹絳惟正義曰顧野王云緹黃赤色也西京賦緹

說文赭赤土也山海經陸郎之山其土多赭郭注

𪔐 反他 口  
 𪔑 乎 馬 反 又  
 𪔒 琴 老 反 齒 善  
 𪔓 鵠 他 反 九  
 𪔔 𪔔 他 反 康 今 音 𪔔

燕音屯  
競作競音口亦有反本  
黠于下鄰反又  
黃也

說文黃地之色也釋名黃晃也猶晃晃衆日光色

也漢書律歷志黃者中之色君之服也黹者黹黃  
色黹同上穀梁莊二十四年傳士黹極范甯注黹  
黃色東方朔客難云黹纈充耳所以塞聰如淳曰  
音土苟反謂以玉為瑱用黹纈充耳所以塞聰如  
淳曰音土苟反謂以玉為瑱用黹纈懸之也顏  
師古曰以黃紕為九用組懸之于冕垂兩耳旁示  
不外聽非玉瑱之懸也黹者說文黹鮮明黃色黹  
黹者玉篇黹黃色黹黃色並本此黹黹者說文黹  
黃黑色也黹白黃色也黹者居吟切玉篇黹黃色  
也內經云辰戌之紀其穀元黹丑未之紀其穀黹

元熱者徒渾切韻熱黃色本此熱者玉篇熱  
齒隆切黃色大戴禮熱續塞耳掩聽也又音統繁  
音釋本又作熱玉篇熱黃色也本此熱者說文熱  
青黃色。集韻熱美辨切韻廣雅黃也今無此  
文

皦汗音皦乎了反又皙制曉呼了皦在皦手皦良反  
的并音的幸的易的布何反又皎古子反皦學潔白也

說文白西方色也陰用事物色白从人合二二陰  
數釋名白啟也如冰啟時色也攷工記畫繪之事  
西方謂之白爾雅秋為白藏郭注氣白而收藏皦

者何但切玉篇皤皤白也本此皤者說文皤顯也  
从三白讀若皎文選注引倉頡篇皤明也哲者先  
擊切說文哲人色白也鄘風揚且之哲也傳哲白  
哲也地官大司徒四曰墳衍其民哲而瘠注哲白  
也左氏昭二十六年傳有君子曰哲皆謂人色之  
白也曉者說文曉日之白也皤者說篇皤色皤皤  
然白也皤者字當作皤說文皤鳥之白也太原內  
次上云皤頭內其推婦何晏景福殿賦皤皤白鳥  
皤皤與皤者義同皤者說文皤霜雪之白也文  
選注引劉歆遂初賦漂積雪之皤皤劉楨贈五官

中卽將詩霜氣何皚皚的者玉篇的明晃也通作  
的說卦傳震為的顙顙翻白的白顙顙也震體頭  
在口上白故的顙又通作𩇛說文𩇛馬白顙也并  
唱者玉篇并唱白也本此皤者尙九四青如皤如  
說文皤老人白也通作番史記秦本紀古之人  
謀黃髮番番則無所過皤者說文皤過之白也陳  
風月出皎兮傳皎月光也小雅白駒傳皎皎潔白  
也鬻者說文鬻鳥白肥澤也詩曰白鳥鬻鬻通  
作鬻相如大人賦吾乃今日覩西王母鬻然白首  
戴勝而穴處兮亦幸有三足鳥為之使顏使古注



髡字或作鬻潔者詩序白華孝子之絮白也絮古

潔字

黝於糾反又於柳反黝於物反黯烏咸反黯烏默反黯工典反黯音某反黯音某反

皁但早反皁於問反又於真反涅乃結反元儵緇黑驢反黹力手反黹音某反

反又都反蕉音黎反黔巨康反黠已證反微明反臥禾反黹音某反

反古闇反黠之忌反黠於分反黠也孫反黠上取反黠音伊反黠音黑反

說文黑所熏之色釋名黑晦也如晦冥時色也韓

康伯云黑北方陰色黝者解見釋宮篇黝者說文

作黝黑有文也玉篇黝與黝同周禮染人職夏練

元注故書練作黝是古有黝是也黯者說文黯深

黑春秋傳晉蔡黯字黑孔子世家黯然而黑劉向  
九歎云望舊邦之黯黯不自黯者說文黯中黑  
也玉篇黯黑子也默讀若黑書說命泰默思道  
古文尚書作𦣻史記賈生列傳于嗟𦣻𦣻兮生  
之無故漢作默默蓋默與墨通故默為黑也黯  
者說文黯黑貌也舊本黯訛熬今訂正默者余  
力切玉篇默黑也本此通作𦣻漢書文帝紀身衣𦣻  
綈如淳曰𦣻皁也顏師古曰黑色也舊本默譌默  
今訂正五音集韻引作默亦誤皁者解見上文𦣻  
者說文𦣻黑羊玉篇𦣻黑也亦作𦣻史記天官

書黧者黑色甚明涅者說文涅黑土在水中也論  
語涅而不緇孔安國注涅可以染皁元者說文皁  
幽遠也黑而有赤黑者為元攷工記鍾氏注凡元  
色在緇緇之間其六八者與幽風七月載元載黃  
傳元黑而有赤也儵者尸竹切說文儵者黑緇發  
白色也故黑虎之髹亦以儵緇者解見上文黑者  
說文墨書墨也玉篇墨松煙作管子四稱篇墨墨  
若夜左氏哀十三年傳肉食者無墨黧者說文齊  
謂黑為黧法言云彤弓黧矢司馬光曰黧與茲同  
黧者說文黧桑黧<sup>之</sup>衣黑也文選注引聲類云黧深

黑色也漢南主術訓問贅師古曰白素何如曰皤然  
曰黑何若曰黧然焦者疑焦同說文夔大所傷也  
或作焦黎者王篇焦黑也或作黎黔者說文黔黎  
也秦謂民為黔者謂黑色也周謂之黎民易曰為  
黔喙左氏襄二十七年傳邑中之黔實獲我心莊  
子天運篇鵠不日浴而白鳥不日黔而黑墨子貴  
義篇今贅曰鉅者白也黔者黑也雖明日者無以  
易之淮南脩務訓孔子無黔突墨子無煖席黧者  
玉篇黧面黑也微者說文微中又雨青黑淮南脩  
務訓舜微黑又說山訓文公奔荏席從微黑皆犯

雙古堂抄藏

辭歸襦者玉篇襦黑也禾傷雨也踰者說文踰沃  
黑者紺者說文黹淺黃黑也說卦傳為黔喙鄭康  
成本作黹謂虎豹之屬縝者與髻同髮之黑也  
謝朓晚登三山還望京邑詩有情知望鄉誰能縝  
不變說文今稠髮也或作髻詩君子偕老作髻毛  
傳髻黑髮左氏昭二十八年傳昔有仍氏生女黹  
髻黑髮而美光可以鑒名曰元妻詩疏引服虔  
注髮美為黹詩曰髻髮如雪言其美長而黑以髮  
美故曰元妻踰踰髻今字異音義同髻者說文髻  
小黑子通作髻說文髻亦黑色縝黹者說文黹黃

濁黑他哀切黹者說文黹淺青黑也陸機漢功臣  
贊上黹下黹黹者烏鷄切說文黹黑本也

槨

衛攬反 攬音樞 樞音樞 樞音樞 樞音樞 樞音樞 樞音樞

說文棺關也所以掩尸釋名棺關也關閉也白虎  
通義云棺之為言完也所以藏尸令完全也樨者  
說文樨棺櫨也漢書韓安國傳中國樨車相望顏  
師古曰謂小棺也從軍死者以樨送致其喪櫨者  
漢書給樨橫葬埋顏師古也謂小棺櫨者說文櫨  
棺也小雅爾云空棺謂之櫨有屍謂之柩玉篇櫨  
親身棺也左氏僖六年傳士與觀襄二年傳穆姜

使擇美槨以自為櫬與頌琴注槨梓之屬櫬棺也  
疏云以親近其身故以櫬為名檀弓云天子棺四  
重水兕草棺一把棺一梓棺二鄭注地槨也所謂  
槨棺也梓棺二所謂屬與大棺也記文從內向外  
水兕草棺最近尸也次梓以槨為之次屬與大棺  
乃以梓為之槨弓又云君即位而為梓鄭注梓謂  
地棺親尸者喪大記云君大棺八寸屬六寸梓四  
寸如彼記文諸侯之棺三重親身之棺名之為梓  
梓即槨也其梓用槨為之屬與大棺乃用梓耳此  
以梓為櫬者名之曰櫬其內必無棺也擇槨為櫬

其槨必用梓也記惟言即位為梓不言梓所用木  
據此傳云則天子梓用杞諸侯之梓必用梓也楊  
者集韻構棺也或作牘大到切本此柩者說文  
柩棺也籀文作在狀曰尸在棺曰柩釋名尸已在  
棺曰柩柩寃也送終隨身之制皆寃備也白虎通  
義云柩之為言寃也久也不復章也脉者胡戈切  
玉篇脉棺脉與和同呂氏春秋開春論云惠公說  
魏太子曰昔王季歷葬于渦山之尾藥水齧其墓  
見棺之前和文王於是出而為之更葬高誘曰棺  
題曰和謝惠連祭古冢文中有二棺正方兩頭無



和

釋樂第七

樂記凡音之起由人心生也人心之動物使之然也感于物而動故形于聲聲相應故生變變成方謂之音宮商角徵羽聲也爾雅宮謂之重商謂之敏角之謂經徵謂之遠羽謂之抑別歆音宮中也居中央暢四方唱始施生為四聲綱也商章也物成就可章度也角觸也物觸地而出戴芒角也徵祉也物盛太而繁祉也羽宇也物藏聚宇覆之也樂緯動

聲儀曰宮為君君者當寬大容衆故聲宏以舒其和清以柔動脾也商為臣臣者當以發明君之號令其聲散以明其和溫以斷動肺也角為民民者當儉約不奢僭差故其聲防以約其和清以靜動肝也徵為軍事者君子之功既當急就之其事當久流亡故其聲賤以疾其和平以功動心也羽為物物者不有委聚故其聲散以虛其和斷以散動腎也金石絲竹匏土草木音也鄭注周禮太師職云金鍾鎛也石磬此土塤也草鼓鼗也絲琴瑟

也木祝敵也匏笙竹簫管也左傳隱五年疏  
引易緯云坎主冬至樂用管艮主立春樂用  
壎震主春分樂周鼓翼立夏樂用笙離主夏  
至樂用絃坤主迹秋樂用磬兌主秋分樂用  
鍾乾主立冬樂用祝敵此八方之音說文樂  
五聲八音總名象鼓鞀木虞也樂記樂者樂  
也君子樂得其道小人樂得其欲孔子曰安  
土治民莫善于禮移風易俗莫善于善又云  
禮云禮云玉帛云乎哉樂云樂云鍾鼓云乎  
哉二者相與並行周衰俱壞樂尤微眇漢時

制氏世在樂官能紀其鏗鏘鼓舞而不能言  
義至武帝時河間獻王與毛生等共采周官  
及諸子言樂事者以作樂記劉向校書得二  
十三篇食貨志云莽詔曰樂語有五均節展  
以為樂元語即河間獻王所傳者是也此篇  
所釋光之以樂名繼之以樂器樂以器為主  
有器而後可以通其音以知其義春官典樂  
掌六律六同之和以辨天地四方陰陽之聲  
以為樂器是也故於器尤詳并及其長  
短尺寸大小廣狹焉

黑

史記抄義

休流扶持下謀雲門六韞音韻五音英韻音帝大章

蕭韶堯舜樂大夏大護湯樂文武只樂五同公樂之大予

漢明帝永平三年秋八月戊辰改大樂為大予樂

休流未詳所出扶持下謀者文獻通攷云神農樂

名扶持亦曰下謀注云見孝帝系譜及孝經緯樂

記疏引孝經鉤命訣云伏羲之樂曰立基神農之

樂曰下謀祝融之樂曰屬續雲門者春官大司樂舞

雲門後鄭注黃帝樂曰雲門黃帝能成名萬物以

明民共財言其德如雲之所出民得以有族類六

韞五韞者漢志以六莖為顓頊樂五莖為帝嚳樂

蔡邕獨斷同而樂記疏引樂緯則云帝嚳曰六英  
顓頊曰五莖宋均注云六英者為六合之英華五  
莖者能為五行之道立根莖也輕莖歟英古字通  
予謂帝王之次序顓頊在前帝嚳在後疑漢志是  
而樂緯非也大章者堯樂也樂緯云堯時仁義大  
行法度章明故曰大章簫韶者舜樂也簫亦作箛  
左氏襄二十九年傳季札觀樂見舞韶箛者杜注  
舜樂宋均樂緯注云簫之言肅舜時民樂其肅敬  
而繼堯道故謂之簫韶說文簡虞舜樂曰箛韶箛  
箛字異義同大夏者禹樂也樂記云夏大也注云

樂名禹能大堯舜之德大司樂疏引春秋元命包云  
禹能德並三聖德並三聖即是大堯舜之德  
舊本無此樂予案三代之樂不應獨闕大夏  
當是傳寫者脫之今補正大護者湯樂也湯承桀  
而起護先王之道故曰護護亦作護同呂氏春秋  
仲夏紀殷湯即位夏為無道暴虐萬民湯于是率  
六州以討桀之罪乃命伊尹作為大護歌晨露脩  
九招六列以見其善高誘注大護晨露九招九列  
皆樂名也大武者武王樂也大司樂疏引元命包  
云文王時命樂其興師征伐故曰武又詩云文王

受命有此武功据此似大武是文王樂名而云武  
王者蓋文王有此武功不卒而崩武王卒其武功  
以誅虐紂是武王成武功故周公作樂以大武為  
武王樂也勺者周公樂也詩序酌告成大武也言  
能酌先武之道以養天下也毛傳周公居攝六年  
制禮作樂歸政成王乃復祭于廟而奏之其始成  
告之而已大予者漢樂也後漢書明帝紀永平三  
年八月戊辰改大樂為予大樂注云尚書璇璣鈴  
云有帝漢出德洽作樂名予故据璇璣鈴改之

### 右樂名



題上事也漢志云王者未作樂之時因先王之樂以教化百姓說樂其俗然後改作以章功德易曰先王以作樂崇德殷薦上之帝以配祖考樂記云大章章之也咸池備矣韶繼也夏大也殷周之樂盡矣禮樂志云昔黃帝作咸池顓頊作六莖帝嚳作五英堯作大章舜作招禹作夏湯作濩武王作武周公作勺勺言能勺先祖之道也武言以功定天下也濩言救民也夏大承二帝也招繼也堯大章章之也五英英華茂也六莖及根莖也咸池

備矣白虎通義頤頤曰六莖者言和律歷調  
陰陰莖者著萬物也帝嚳曰五英者能言  
調和五聲以養萬物調其英華也堯曰大章  
大明天地人之道也舜曰蕭韶者舜能繼堯  
之道也禹曰大夏者言禹能順二聖之道而  
之湯曰大濩者言湯承衰能護民之急也用  
公曰酌合者言周公輔成王能斟酌文武之  
道而成之也武王曰象者象太平而作樂示  
已太平也

足鼓

夏后氏鼓  
四足也

植鼓

見禮明堂記  
詩植我執鼓

縣鼓

禮記曰周縣鼓  
鄭注曰縣於柎

也禮同雷鼓鄭注曰雷鼓八面靈鼓周禮重鼓六面也路鼓周禮

注路鼓二鬼享鄭鼓鼓周禮大鼓也長八尺鼙鼓周禮

二役事致工祀晉鼓周禮晉鼓全奏鄭鼙鼓周禮凡軍旅

長尋有四尺也晉鼓注長六尺六寸也鼙鼓周禮鼙鼓周禮凡軍旅

音造次之造鼙鼓周禮鼙鼓周禮凡軍旅

應輦詩云應搏拊禮記搏拊琴鄭注以韋為之

說文鼓郭也春分之音萬物郭皮甲而出故謂之

鼓釋名鼓郭也張皮以胃之其中空也學記云鼓

無當于五聲不得和是樂之所成在于鼓也

足鼓者明堂位云夏后氏之足殷楹鼓周縣鼓植  
鼓者殷鼓即楹鼓也商頌那云置我執鼓傳殷人

置鼓筴置讀曰植植執鼓者為楹貫而樹之孔疏  
金縢植璧秉圭注植古置字故置讀曰植此云  
植我執鼓明堂位作楹鼓故知為楹貫而樹之  
縣鼓者周鼓也釋名所以懸鼓者橫曰翼三峻  
也在上高峻也從曰虛虛舉曰在旁舉翼上之  
板曰業刻為牙捷業如鋸齒也周頌有鼓云設  
業設虞崇牙樹羽應曰縣鼓傳業大板也所以  
飾枸為縣也捷業如鋸齒或曰畫之植者為虞  
衡者為枸崇牙上飾卷然可以縣也樹羽置羽  
也縣鼓周鼓也鄭注明堂位云縣鼓縣于枸虞也

雷鼓者地官鼓人疏云但是天神皆用雷鼓靈鼓者鼓人疏云但是地祇皆用靈鼓路鼓者享宗廟之鼓也鼗鼓者說文大鼓謂之鼗鼗八尺而兩面或作鞞攷工記鞞人為皋陶鼓長八尺鼓四尺中圓加三之一謂之鼗鼓後鄭云中圓加三之一者加于而之圓以三分之一也面四尺其圓十二尺加以三分之一四尺則中圓十六尺徑五尺三寸三分寸之一也今亦合二十版則版穹六寸三分寸之二耳先鄭云鼓四尺謂草所蒙者廣四尺鼗鼓者鼓人注鼗鼓長丈二尺攷工記為皋鼓長

尋有四尺鼓四尺倨句磬折為異案八尺曰尋尋  
有四尺是一丈二尺也晉鼓者攷工記韜人云長  
六尺有六寸左右端廣六寸中尺厚三寸穹者三  
之一上三正注云云穹隆者居鼓而三分之一則鼓面  
四尺者版穹一尺三寸三分寸之一也倍之為二尺  
六寸六分寸之二加鼓四尺穹徑六尺六寸六分寸  
之二加此鼓二十板板上三正者三讀為參正直  
也參直者穹上一直兩端又直各居二尺二寸  
不弧曲也此鼓兩面以六鼓差之賣待中曰晉鼓  
大而達近晉鼓也說文周禮六鼓雷鼓八面雷

鼓六面路鼓四面鼗鼓皋鼓晉鼓皆兩面許與鄭  
同周禮疏云鄭知雷鼓八面者雖無正文案韋人  
有晉鼓鼗鼓皋鼓三者非祭祀之鼓皆兩面則路  
鼓祭宗廟宜四面靈鼓祭地祇尊于宗廟宜六面  
雷鼓祭天神又尊于地祇宜八面故知義然也鼗  
鼓者說文鼗夜成守鼓也禮昏鼓四通為大鼓夜  
半三通為戒晨旦明五通為發明讀若戚業許所云  
禮者司馬法文也春官眡瞭注杜子春讀鼗為憂  
戚擊鼓聲疾數故曰戚是杜讀與許同也春官鐃  
師凡軍之夜三鼗昏鼓之守鼗亦如之注云守鼗

備守鼓也杜子春云一夜三擊備守鑿也春秋傳所謂  
宵將趨者音聲相似夏官掌固夜三鑿四號戒杜  
子春讀鑿為造之造謂擊鼓行夜或守也春秋所  
傳謂宵將趨者趨與造音相近故曰終夕與燎元謂  
鑿擊鑿擊守鼓也三巡之間又三擊鑿沈約宋志  
云長丈二尺者鑿鼓凡守備及役事則鼓鑿  
鼓者說文擊瞬鼓也釋名擊禪也禪助鼓節也  
聲在前曰朔始也在後曰應應大鼓也大射云  
一建鼓在阼階西應鼓在其東一建鼓在西  
階之西朔鼓在其北大雅絲篴云凡大鼓之側有



小鼓謂之應聲胡鞀鞀鞀鼓者說文鞀遼也或作執  
鞀籀文作磬白虎通義云鞀者震之氣也上應卯星  
以通玉道故謂之執也釋名鞀道也所以導  
樂作也王制天子賜諸侯樂則以祝將之賜伯  
子男樂則以執將之鄭注祝執皆所以節樂春官  
小師注鞀如鼓而小持其柄搖之旁耳還自擊論  
語播鞀武釋文本亦作執應鞀者周頌有瞽傳應  
小鞀也田大鼓也箋田當作鞀鞀小鼓在大鼓旁  
應鞀之屬也聲轉字誤變而作田爾雅大鼓謂之  
鞀小者謂之應李巡曰小者聲音相承故曰應二

承也孫炎曰和應大鼓也春官小師擊應鼓後鄭  
云應鞀也大射禮應鞀在建鼓東則為應和建鼓  
應鞀共文是應為小鞀矣說文鞀擊小鼓引樂聲  
也春官太師職下管播樂器令奏鼓鞀先鄭云鞀  
小鼓也先擊小鼓乃擊大鼓小鼓為大鼓先引故  
曰鞀鞀請為導引之引後鄭謂鼓鞀猶言擊鞀詩  
云應鞀縣鼓搏附者釋名搏附也以韋盛糠形如  
鼓以手附拍之也春官小師令奏擊拊後鄭云拊  
形如鼓以韋為之著之以糠明堂位謂之拊搏又  
謂之相樂記云治亂以相鄭注相即拊也亦以即

樂拊者以韋為表裝之以糠糠一名相因以名焉

石鼓名

題上事也九家易云震為鼓白虎通義鼓  
震音煩氣也萬物憤懣震動而出攷工記  
凡冒鼓必以啟蟄之日又云鼓大而短則  
其聲疾而短聞鼓小而長則其聲舒而遠  
聞八音之中鼓聲與中<sup>中</sup>相埒言樂者每以  
鍾鼓並稱故荀子樂論云鼓其樂之論<sup>中</sup>君  
神農氏琴長三尺六寸六分上有五位曰宮商角徵  
羽文王增二位曰少宮商鳴廉脩營藍費甄鍾宮中

自鳴焦尾伏羲氏琴長七尺二寸上有五弦

見世本

白虎通義琴者禁也所以禁止淫邪正人心也。

神農至少宮商。禮記疏引世本云神農作琴說  
文琴禁也神農所作洞越練朱五絃文選注引桓  
譚新論云神農始斲桐為琴練絲為弦琴操云琴  
長三尺六寸六分廣六寸文上曰池下曰濟前廣  
後狹象尊卑也上圓下加法天地也五弦象五行  
大弦為君小弦為臣三禮圖云舊圖周文王又加  
二弦曰少宮少商禮又云琴第一位為宮次為宮  
次為商次為角次為徵次為羽次為少宮次為

少商玉篇引風俗通云琴七弦法七星也又引琴  
操云長三尺六寸六分法象三百六十六日廣六  
六寸象六合也皆與廣雅合者也樂記舜作五弦  
之琴以歌南風通興引揚雄清英云舜彈五弦之  
琴而夫下化堯加二弦以合君臣之恩郭注爾雅  
謂大琴二十七弦桓譚新論五弦第一弦為宮其  
次角商徵羽文王武王各加一弦以少宮少商琴  
操亦云文王武王各加一弦以合君臣之恩三禮  
舊圖又云蔡伯喈復增二弦故有九弦者二弦大  
次三弦小次四弦尤小皆異說也古制范昧器之

長短加弦之出于誰氏皆不可知張博士去古未  
遠其所言為可信也。鳴廉至焦尾。初學記引  
梁元帝纂安云古琴名有清角鳴廉脩況藍脊號  
鍾自鳴空中繞梁絳綺焦尾鳳皇文選注引傅休  
奕琴賦序齊桓公有鳴琴曰號鍾楚莊有鳴琴曰  
繞梁中世司馬相如有絳綺蔡邕有焦尾皆名器  
也劉向九歎云破伯牙之號鍾上逸注琴名淮南  
脩務訓乘馬者期於千里而不期於驛騶綠耳鼓  
琴者期於鳴廉脩營而不期於濫音號鍾。後漢  
書蔡邕傳吳人有燒列之聲知其良木因請相以  
鑿者邕聞火音而其尾猶焦故時人而裁為琴

果有美名曰伏羲琴焉  
性反天真也

伏羲至五弦  
文選長笛賦注之作琴所以脩引琴操云

### 右琴名

題上事也文選琴賦注引尸子曰舜作五弦之琴以歌南風之薰兮可以解吾民之渴是舜歌也風俗通義琴者禁也禁止于邪以正人心也詩云我有嘉賓鼓瑟鼓琴雅琴者樂之統也與八音並行然君子所常御者琴最親密不離於身非必陳設於宗廟鄉黨非若鐘鼓羅列于虞懸也雖在

窮閭陋巷深山幽谷猶不失琴以為琴之  
大小得中而聲音和大聲不譁人而流漫  
小聲不湮滅而不聞適足以和人意氣感  
人善心故琴之言禁雅之言正言君子守  
正以自禁也故此篇紀製造之長短及器  
數之異名為加祥焉

祝象音勅桶方三尺五寸深八寸四角有陞音升鼠敵音敵  
反象伏虎背上有二十七刻

白虎通義祝敵者終始之聲萬物之所生也陰陽  
順而復承順天地序迎萬物天下樂之故樂用祝



祝始也。敔終也。爾雅云：所以鼓祝謂之止，所以鼓敔謂之斂。李巡曰：擊祝之椎名為止，擊敔之木名為斂。樂之謂之初擊祝以作之，樂之將末，夏敔以止之。郭璞曰：祝如漆，柄方二尺四寸，深一尺八寸，中有椎柄連底，桐之。今左右擊止者，推其名敔如伏虎背，上有二十七鉏鋸，刻以木，長一尺，櫟之斂者，其名鄭司農注：小師云：祝如漆，箛中有椎，敔木虎也。詩疏引鄭康成尚書注：合樂用祝，祝狀如漆，箛中有椎，合之者，投椎於其中而撞之，敔狀如伏虎背，上刻之，所以鼓之以止樂風俗，通引禮樂記云：祝

漆桶方畫木方三尺五寸高尺五寸中有椎上用  
祝止音為節顏師古注漢書云祝與倣同倣始也  
樂將作先鼓之故謂之祝樂木空也敔禁也一曰  
樂器控楊也形如木虎三禮圖云今唐禮用竹長  
二尺破四寸破為十莖於敔背橫櫟之釋名敔衡也  
衡止也所以正樂也先儒言祝敔者皆同唯釋名  
祝狀如伏虎如物佑見祝祝然也其形象與敔互  
易為異說耳

僊氏鍾十六枚

世本鍾重  
臣造

母句氏磬十六枚

世本母  
作磬母

句也  
句也

特縣之鍾磬各一爾若編鐘則十六枚編磬亦十  
六枚小胥職云凡縣鍾磬半為堵全為肆注云鍾  
磬編懸之二八十六枚之數起于八音而在一翼  
簾謂之堵鐘一堵磬一堵謂之四十六枚之數起  
于八音倍而設之故十六也說文鍾樂鐘也古者  
重作鐘明堂位重之和鐘鄭注重堯之工也孔疏  
重所調和之鐘攷工記鳧氏為鐘大鐘十分其數  
間以其一為之厚小鐘十分其鉦間以其一為之  
厚鐘大而短則其聲疾而短聞小而長則其聲舒  
而遠聞白虎通義鍾之為言動也陰氣用事萬物

動成鐘為氣用金為聲也唐會要云古制雅樂宮  
縣之編鐘四架十六口近代用二十四正聲十二  
倍聲十二各有律呂凡二十四登歌一架亦二十  
四鐘三禮圖凡鐘十六枚同為一翼簾為編鐘文  
獻通考漢成帝時捷為郡于水濱得古鐘十六枚  
帝因是陳禮樂雅頌之音以風化天下說文磬樂  
石也从石殸象縣虞之形殸擊之也古者毋句氏  
作聲籀文作殸古文作磬釋名磬磬也其聲磬磬  
然堅緻也白虎通義磬者夷則之氣也象萬物之  
成也其氣磬故也曰磬攷工記磬氏為磬倨句一矩

有年其博為一股為二股為三參分其股博去一  
以為鼓博參分其股博以其一為之厚已上則摩  
其勢已下則摩其端明堂位叔之離磬鄭注引世  
本無句作磬皇侃以為之別名也商頌那云依我  
磬聲傳磬聲之清者以象萬物之成三禮圖股廣  
三寸長尺三寸半十六枚同一筍簾謂之編磬漢  
書禮志成帝時臧為郡於水濱得古磬十六枚議  
者以為吉祥

壎許國反象稱鐘以土為之有六孔古史考曰有壎尚  
周幽王時辛公善  
壎說文壎樂器也以土為之六孔釋名壎宣也聲

濁喧喧然也曰虎通義燠在十一月陽氣于黃  
泉之下熏蒸而明雅爾大埴謂之器郭注埴燒土  
為之大如鷄子銳上乎底形如稱鍾六孔小者如  
鷄子後鄭小師注云埴燒土為之大如鴈卵鄭司  
農云六孔漢書律歷志土曰埴應劭曰世本暴辛  
公作埴通典引宋均云為埴久矣此掌其官也風  
俗通義云詩云天之誘民如埴如簾埴燒土也圓  
五寸半長三寸半有四孔其二通凡為六孔周禮  
小師作埴詩何人斯作埴古今字異

甃池以作為之長尺四寸有八孔前有一孔上有三

孔後有四孔頭有一孔

說文簫管樂也或作箎釋名箎啼也聲從孔出如  
嬰兒啼啼聲也爾雅大箎謂之沂郭注箎以作為  
之長尺四寸圍三寸一孔上出寸三分一名翹橫  
吹之小者尺二寸廣雅云八孔史記索隱云七孔  
一孔上出今一孔上出寸三分周禮笙師疏與史  
記索隱同依小司馬所引則今本廣雅有謔字矣  
惜不得善本正之三禮圖引舊圖云雅箎也

蘇疏  
崇義

曰先鄭云七孔賈云  
九孔皆誤當云八孔

箎音稱謂之簫大者二十四管小者十六管有底

說文簫參差管樂象鳳之翼釋名簫簫也其聲肅  
肅而清也白虎通義簫者中呂之氣也萬物生於  
無聲見於無形効也肅也故謂之簫風俗通義云  
尚書舜作簫韶九成其形參差象鳳之翼案荀子  
云鳳皇于飛其音若簫是不特形似其聲亦相似  
也爾大簫謂之言小者謂之篴郭注編二十三管  
長尺四寸十六管長尺二寸簫一名簫莊子齊物  
論南郭子綦謂顏成子游曰女聞人簫而未聞地  
簫女聞地簫而未聞天簫郭象注簫簫也淮南齊  
俗訓若風之過簫高誘注簫簫也鄭注周禮云簫



編小竹管如今竇韶錫所吹者賈疏引易通卦驗  
云簫長尺四寸注云簫管形象鳥翼鳥為大火成  
數大生數二二七一十四簫之長田北三禮圖云  
雅簫長尺四寸二十四瓠頌簫長尺二寸十六瓠  
無底者謂之洞簫是大者即言雅簫也小者即斐  
頌簫也唯郭以大者為二十三管與此不同  
笙以瓠為之十三管宮管在左方箏象笙三十六管  
宮管在中央

說文笙十三簧象鳳之身也笙正月之音物生故  
謂之笙古有隨作笙箏管三十六簧也黃笙中簧

也古者女媧作簧釋名笙生也象物貫也而生也  
作之貫瓠以瓠為之故曰瓠也竽亦是也其中汙  
空以受簧也簧橫也於管頭橫施於中也以竹鐵  
作於口橫鼓之亦是也白虎通義笙者太蔟之氣  
象萬物之生故曰笙有七正之節焉有六合之和  
焉天下樂之故謂之笙爾大笙謂之巢郭注列管  
瓠中施簧管端大者十九簧又云小者謂之和郭  
注十三簧者鄉射記曰三笙一和而成聲小雅鹿  
鳴吹笙鼓簧孔疏瓠匏也以匏為底故八音謂笙  
為匏簧者笙管之中金薄鑠也笙管必有簧故或

謂笙為簧王風君子陽陽云左執簧是也三禮圖  
云舊圖笙長四尺諸管參差亦如鳥翼此云十三  
管即爾雅之和小笙也周禮笙師掌教敎等笙先  
鄭云等三十六簧賈疏引通卦驗云等長四尺二  
寸注云等管類用竹為之形參差象鳥翼鳥火禽  
火數七冬至之時吹之冬水用事水數六六七四  
十二等之長取數于此也唐書樂志云大者曰等  
小者曰和等緩也立春之氣緩生萬物也等管三  
十六宮在左和十三管宮居中案唐志言笙等宮  
管所在與此互易未知其審

侖謂之笛有七孔

說文侖樂之竹管三孔以和衆生也。从品侖侖理也。笛七孔笛也。釋名籥躍出也。遂滌也。其聲滌滌然也。爾雅大籥謂之產郭注籥如笛三孔而短小。明堂位葦籥伊耆氏之樂也。孔孔疏葦籥裁葦為籥蓋籥三孔主中聲而上下之律呂是乎生命之曰籥以泰籥之法在是也。風俗通義周禮籥師掌教國子飲籥詩曰以籥不僭籥樂之器竹管三孔所以和衆聲也。笛滌也所以滌邪穢納之雅正也。長尺四寸七孔鄭注周禮笙師及禮記少儀明堂

位國注爾雅俱云龠如笛三孔許叔重應仲遠亦  
俱以龠為三孔笛為七孔廣雅合龠笛為一故不  
同不邛風簡兮傳籥六孔春官笙師注杜子春讀  
遂為蕩滌之滌今師所吹五空竹遂則又與諸家  
殊矣

管象龠

音池

長尺圍寸六孔無底

說文管如簾六孔十二月之音物開地牙故謂之  
管或作琯古者玉琯以玉舜之時西王母來獻其  
白琯前零陵文學姓奚於伶道舜祠下得笙玉琯  
夫以玉作音故神人以和鳳皇來儀也晉書律歷

志武帝太康元年汲郡盜發六國時魏襄王冢亦得王律則古本以王為管取其體含康潤也後乃易之以竹風俗通管漆竹長一尺六孔十二月之音象物管地而牙故謂之管又引禮樂記云管漆竹長一尺六孔爾雅大管謂簫郭注管長尺圍寸併漆之有底賈氏以為如簾六空通典引月令章句亦云有孔無底皆與此同唯郭璞以為有底則異說也後鄭注小師謂管如篴而小併兩而吹之今大予樂官有焉此蓋東漢制度故與古有殊也

天子樂八佾諸公六佾諸侯四佾

公羊穀梁傳並云天子八佾諸公六佾諸侯四佾何休曰佾者列也八八六十四人法八風六六三十六人法六律四四十六人法四時白虎通義天子八佾諸公六佾諸侯四佾所以別尊卑樂者陽也故以陰數法八風六律四時也八風六律四時者天氣也助天地成萬物者也亦猶樂所以順氣變化萬民成其性命也佾者列以八八為行列八八六十四人也諸公謂三公二王後張衡東京賦冠華秉翟列舞八佾薛綜曰冠華以鐵作之上間

下狹以翟雉尾飾之舞人頭戴一行羅列八人八  
八六十四人謂今麥策花也

嘯

洞音飲頭音謳詠吟歌也

此釋歌之名也虞書帝庸作歌夏書有五子之歌  
以前不見歌文說文歌詠也或作謠又云哥古文  
以為謠字釋名人聲曰歌歌柯也歌之言是其質  
也以聲吟詠有上下如艸木之有柯葉也故充冀  
言歌聲如柯也舜典歌詠言詩疏引鄭注歌所以  
長言詩之意魏風園有桃云我歌且謠毛傳曲合  
樂曰歌徒歌曰謠釋名又引韓詩薛君章句云有



章句曰歌無章句謠嘯者廣韻嘯徒弄切大歌聲  
出埤蒼又戶冬戶宋二切歛者宋玉招魂吳歛蔡  
謳奏大呂些王逸注吳蔡國名也歛謳皆歌也案  
歛古作喻說文旁訝聲旁喻也司馬相如說淮南  
宋蔡訝舞旁喻也許所云相如說即之林賦巴俞  
宏蔡是矣謳者荀子議兵篇近者訝謳而樂之楚  
詞大招云謳和揚阿王法徒歌曰謳說文謳齊歌  
也詠者說文詠歌也或作咏吟者釋名吟嚴也其  
聲本出於憂愁故其聲嚴肅使人聽之悽歎也楚  
詞云行吟澤畔